

沅
湘
耆
舊
集

沅湘耆舊集卷第十七

新化鄧顯鶴湘臯編輯

鄞縣沈道寬栗仲校訂

閻齋先生冀元亨一首

元亨字維乾號閻齋武陵人正德丙子舉人世稱
閻齋先生閻齋篤信陽明之學與蔣道林同師事
之陽明從龍場歸閻齋獨從之廬陵已復從之贛
陽明屬以教子宸濠謀不軌而外務名高貽書陽
明問學陽明使先生往宸濠語挑之佯不喻獨與
之論學濠目爲癡厚贈遣之先生反其贈於官濠
敗張忠許泰誣陽明與通固詰之濠因言遣先生

論學忠等大喜榜先生加以炮烙終不承械繫京

師詔獄世宗立言者交白其冤出獄五日卒黃黎洲宗

義明儒學案陽明謫龍場先生與蔣道林往師焉
從之之廬陵踰年而歸正德十一年湖廣鄉試有
司以格物致知發策先生不從朱注以所聞於陽
明者爲對主司奇而錄之陽明在贛先生又從之
主敎瀾溪書院宸濠致書問學陽明使先生往答
之濠談王霸之略先生昧昧第與之言學而已濠
撫掌謂人曰人癡亦至此耶一日講西銘先生反
覆講君臣之義本於一體而動濠濠大詫之先生
從容復理前語濠曰此生大有膽氣遂遣歸濠敗
忌陽明者欲借先生而陷之逮至京師榜掠不服
科道交章訟冤出獄五日而卒在獄與諸囚講說
使囚能忘其苦先生嘗謂道林曰贛中諸子頗能
靜坐苟無見於仁體痾坐何益觀其
不粹志於艱危信所言之非虛也

善卷釣臺

先生此避地巢許應同時朗水逾清潁孤峯勝九嶷岸花

迷繫艇江川靜垂絲樂志遺風在悠悠百代師

正學先生蔣信

七首

信字卿實一字道林武陵人嘉靖壬辰進士授戶部主事轉兵部員外郎歷官貴州提學副使與閩齋偕師陽明又從甘泉遊最久踐履篤實不事虛談學者從其教稱之曰正學先生有道林文粹九

卷

明儒學案信少而端嚴盛暑未嘗袒裼不信形

家術母歿自擇高爽之地以葬爲四川僉事興利除害若嗜欲有道士以妖術禁人先生召之術不復驗置之於法陞貴州提學副使建書院二所曰正德曰文明擇士之秀出者養之於中而示以趨向使不汨沒於流俗龍場有陽明祠爲督察田湖廣清浪五衛諸生鄉試去省險遠多不能達乃增貴州解額使之附試尋告病歸御史以擅離職守劾之削籍後奉恩例冠帶閒住先生築精舍於挑花岡學徒雲集遠方來者卽以精舍學田廩之

先生危坐其中絃歌不輟惟家祭始一入城間或
出遊則所至迎請開講年七十九卒先生初無所
師授與冀閭齋考索於書卷之閒陽明論龍塲過
武陵見先生詩稱之先生遂與開齋師事焉已應
貢入京師事甘泉及甘泉在南雍及其門者甚衆
則令先生分教之先生棄官歸甘泉遊南嶽先生
從之彌月後四年入廣東省甘泉又八年甘泉再
遊南嶽先生又從之是故先生之學得於甘泉者
爲多也先生初看論語與定性西銘領得萬物一
體是聖學立根處三十二三時病肺至道林寺靜
坐久之忽覺洞然宇宙渾然一身乃信明道廓然
大公無內外是如此自身與萬物一身是如此

桃源

初穿草徑荒漸歷林巒好深煙昏洞門紫蔓纏丹竈鳥下
各爲羣麋遊別成道誰傳真隱心與世清煩惱

桃岡卽事

筠笠藤蓑此寄眠鶯啼花發重今年旋栽松桂樹千木閑

和滄浪詩百篇勝客每慚攜酒過佳晨空負看溪還何時
計取青蚨足買箇支篷鴨嘴船

南臺

此是人閒幾洞天憐予今夜共君眠諸江翠練供雙眼萬
樹蒼此對老仙吟就新詩招皓月呼將秃筆埽濃煙醉餘
豪興傾衡嶽欲駕飛來石上船

次石泉

我到吟詩泉亦吟與泉渾是自然音聽來直到忘機處七
十二峯何處尋

次東廓

鞭鶴同誰出薜蘿石泉雲外和子歌大濤清處堪同住不

川青綬買竹窩

屬纊時作

歸住青山十六年歌遊多在萬桃前萬桃於我浮雲耳請
借西風吹上天

吾儒傳信卽傳神豈向風塵滯此生分付萬桃岡上月要
須今夜一齊明

龍程番翔霄 一首

翔霄字潛之初名飛霄字泰渠武陵人正德己卯
舉人官閩中太和知縣擢戶部郎中出爲程番知
府程番設府不久所治入番諸夷故習剽掠潛之
以禮讓化其俗金石司之變衆議大用兵潛之深

入其境繫諸倡亂者請勿問其餘事遂寢在郡九年考滿自焚程書請老潛之之學其源亦出陽明初陽明謫龍場過武陵見而奇之爲易名翔霄潛之亦陽明所字也後遊太學及甘泉之門願不盡主其師說官戶部時獨善楊忠愍生平赴義如不及詩文俱有法度子孫守之能以文行世其家君超君御兩先生其諸孫也余輯此卷首冀蔣兩先生卽繼以潛之子充輩以明楚西諸君子之學淵源所自來非空談心學者比也

秦人洞

征途風雨暗千山策杖句留古洞閒小憩頓空塵土念半

生猶墮利名關種桃歲久客重到採藥雲深人未還何日
釣船山下泊醉餘高枕聽潺湲

李布政清一首

清字介卿龍陽人嘉靖癸未進士由部郎出爲吉
安府知府擢四川布政使介卿亦以講學聞嘗師
事湛若水居官以清惠著

登金牛山

乘風直到碧崔嵬傑閣參差出薜蘿白鹿黃龍他日幻清
尊綠綺上方閒煙雲不斷三霄梵松柏常添萬壑哀絕景
躊躇歸去晚月明騎鶴下瑤臺

唐御史愈賢一首

愈賢字子充沅陵人嘉靖丙戌進士官寧海知縣
行取御史以乞養歸子充性高朗陽明謫黔過辰
時子充時爲諸生一見傾心已復往從之遊旣歸
充然有得修業桃溪山中初任寧海令士民德之
爲祠以祀官御史時抗言時政得失不少挫其過
湯陰詩有彛諛何代無秦相之句卒以此不容於
時歸後日與門人論學一日召親友環坐中堂談
笑而逝孫之正崇禎時遭亂舉家歿於賊子身寓
北溶寺祝髮爲僧鄉人爲築室山頂曰南憩以終
老詩見本集二十八卷

按陽明自龍場歸過辰谿
遊大酉山鐘鼓洞題詩於
石旋至辰州喜郡人士
樸茂質與道近因留虎
龍興寺寓憑虛樓彌月
與蔣道林往來講論子充

首從之遊劉觀時王嘉秀諸人咸執贊受學今松雲軒杖藜鳩皆其遺蹟也松雲軒陽明自題因懸虛樓前有古松杖藜鳩則後人以陽明詩有杖藜一過虎谿頭之句而名之此虎谿書院所由始也又陽明集中有庚辰與辰中諸生論收放心書亦見辰州志

伏波祠

千古勲名徼外天殘碑猶記中興年蒼藤古木生寒籟斷
牖殘楹鎖暮煙萬里青書規畫虎五溪風景墮飛鷄而今
矍鑠翁何在回首壺關一惘然

陳副使仲錄 七首

仲錄字子載武陵人嘉靖丙戌進士除新城令歷
官山東按察副使有文集祀鄉賢子載居官所至
有善政歸後嘗與蔣道林再會甘泉於衡山與諸

生講學亦有得於朱五子者韻語諧適殊不類擊壤體

次韻吳桐岡遊德山

雲鎖諸峯翠欲流
曉天鐘磬雨新收
維摩塔長山靈舊
善卷臺荒石洞幽
猿鶴可容清世隱
鶯花已負少年遊
尋幽素有山林癖
障礙從茲問惠休

乾明高閣俯江流
山霧空濛半欲收
別澗水過松逕滑
孤峰雲起草堂幽
梵音清散諸天外
塵夢遙憐十載遊
青眼同看僧未老
貪嗔應慰好歸休

德山寺和項節推韻

招提十載溯前遊
依舊青山枕碧流
鉢裏龍眠雲若護
雨

中花落鳥空愁金仙勝界天應別玉帶高風去莫留欲向
山靈分半隱題詩曾記舊登樓

署中有懷道林德山清居

十二峯頭君所居炎天冰雪壓層虛也知雞犬非人境惟
有風雲護佛書近竹坐分朝露溼倚松吟就午陰餘塵襟
我適思如渴欲傍青山一結廬

清涼何處稱幽居古佛堂前一榻虛無事坐銷蓮裏漏有
人來問竹閒書過攜白鶴孤峯外謝卻紅塵十載餘善卷
何年此高隱未論吟眺只匡廬

東林禪房

吟徧三千洞來眠四大牀白雲鐘鼓外翻笑老僧忙

觀音巖

七十二峯天外天偶來四大問僧禪五更鐘磬峯頭急我
獨和衣抱月眠

張淮安守約

一首

守約字彥博華容人嘉靖丙戌進士官淮安知府
淮素稱難治彥博聞命卽遣妻子歸攜二家僮抵
任闢園植蔬日與閭閻習常俸貯之公帑出以振
困卒於官所遺惟書數冊做裘數襲而已予一龍
至泣求遺容不得淮人出所繪而祀者歸之其得
民如此

大雲寺

山峻巖藏寺江虛石動雲翠龕懸鳳落雪實瀉龍紋嵐氣
終朝變松聲十里聞何人爲地主煙景許平分

李參政徵七首

徵字誠之桃源人嘉靖壬辰進士歷官禮科給事
中轉江西按察副使陞浙江布政司叅政著有元
光漫稿五卷閒閒亭錄一卷四庫全書存目謂
徵歸田後結廬於元光洞因名集前序稱六卷而
其書實止五卷今以五卷著錄茲求其所謂五卷
者亦不可得故所存止此云

淥蘿山

我聞仙源之峯矗千丈淥蘿更在諸峯上倒臨潭水摩蒼

雲秋空雙削芙蓉嶂流丹結翠一萬古雲濤雪瀑那能狀
淥蘿仙人歸幾時釣竿百尺潭之淵手招黃鶴歌白石天
邊明月來何遲崖顛往往風雷急潛蛟起舞山鬼泣漁郎
漁郎莫謾入從來福地神所秘

雨中登岳陽樓

歸路三千里沿江入月舟蒼茫洞庭雨獨上岳陽樓補袞
慙無術乘槎憶壯遊浮雲勞悵望天地是神州

沅江道中

千峯木落洞庭秋兩岸風高穩客舟濁酒臨流聊取醉離
懷入暮迴添愁青山峽轉藏僧寺碧樹林疏蔽驛郵今隔
重陽還兩日江城預爲菊花留

和陳子載東林禪房韻

豈厭浮生擾時分
老衲牀閑庭花影靜坐聽鳥聲忙

靈巖寺

羣峯迴繞一谿深
秋老寒潭夜氣沈
埽石可能分半榻
欲從風雨聽龍吟

秋夜雨花堂對月

月色中天花滿林
雨花杯酒夜堂深
猗蘭欲鼓當年操
誰識人間韶濩音

秋月禪心相對清
露花飛墮葛衣輕
爐熏茗椀煙初歇
坐聽遙空雙鶴鳴

周巡撫采一首

采字亮臣寧鄉人嘉靖壬辰進士授中書舍人擢
禮科給事中出爲福建參議陝西參政歷四川左
布政使雲南巡撫以清介聞假歸卒祀鄉賢寧鄉
周氏世有名德亮臣之父策官廣西貴縣知縣盜
劫永淳庫吏思自脫以平民抵罪郡守以上幸其
得盜不復問策疑之出誣服劉紀等二十四人於
獄後賓州果得實盜人服其神事見一統志仲聲
司農堪康實其諸孫也

登嵇伽山

高凌天馬

名山

雲霄近翠落樓臺

名山

草樹閒厚霧頻年滋豹

變震霆何日起龍蟠

附錄周公利侯平寇碑略利大夫賓者廣東人也
視新化邑政凡四載矣嘉靖十五年冬邑二十一
里周邦達等言於郡大夫曰昔我邑里盜某實虞
元侯去邑西百十里西引辰溪洞積負險阻聚
徒旅出則掠我殺帛雞豕牛馬兒女子歲無不至
時蓋正德初也某死子繼諸徒類亡命黨且千人
西阻竊洞蓋且三十年矣嘉靖十一年我利令覲
我邑政日計畫廣儲餉募丁壯懸賞罰以攝之奪
之險而伺其出而盜又多其父所部伍業不相長
下又持之久而憊也則內益自疑忌則又令盜得
相翊戮自贖得不死乃數日盜黨某則果以其首
來令又計某不死盜且不已而我又業許以不死
召之宜來乃明日匪壯士若干牆序下召黨某八
人來椎牛酒犒以牆序下則壯士者出誘而推之
卽八人無不斃餘悉就撫邑所苦貧固盜今底平
邑卒以無盜民令之力也謹圖所建祠磬石以待
唯郡大夫惠顧我民私遂所請郡大夫曰可哉則
又介書邑教諭舒君文明請文於周采而采爲紀
其真以文諸碑案元侯寇名李再萬利侯平後復
燦萬歷間姚侯九功始鐫平之見後鄒太僕碑銘

廖提學希顏

五十一首

希顏字叔愚茶陵人嘉靖壬辰進士由高安知縣
陞工部主事扈駕承天遷郎中擢山西提學進浙
江按察使有東雩集思復堂遺稿叔愚學問淹博
才識精敏所至多建樹提學三晉時作三關志以
爲全晉之安危視三關而畿輔以西大河以北安
危視全晉爰自雲代達延綏按地圖考沿革飭武
備覈軍儲明署置爲圖四爲卷十其憂深其慮遠
識者稱之善古文唐荆川嘗遺書謂其氣骨甚勝
書載荆川集今東雩集不見近見其後裔所刻思
復堂稿四卷詩才俊爽七言近體尤雅健有氣力
評者謂其繼西涯龍湖而起殆不誣也

秋日別顧司訓

秋至木葉隕，美人事南翔。
西風吟蟋蟀，東壁鳴寒螿。
白頭見新月，青氈怯微霜。
古道日已遠，君行獨徬徨。
尼父設科條，魯生重行藏。
瞻言托文羽，稀音聞高岡。

汾陽九日

草閣三湘遠，公車十載來。
甯知汾水上，復此菊花杯。
白草霜初積，黃沙霧半開。
壯心成底事，愁絕獨登臺。

沁陽道中逢南使

登頓驅山坂，舒徐憩晚陰。
水連漳浦近，雲接太行深。
景物秋初換，冰霜髮半侵。
聊因南去雁，一寄故園心。

路安道中

旅思三秋盡層城四望遙山河入上黨天地界中條雲日
霜前淨烽煙雨後銷王風如可採持此報神堯

秋日發括蒼將潯溫台訪天姥曹白山憲伯鄭環浦
大參飲南明卽事留別二首

石渠橫碧落丹洞啟南明使節雲中蓋賓筵地主情盤空
下雙鶴隔水見孤城不盡天涯思孤留方外名

工詩曹子建多學鄭康成按部君方急乘槎吾獨行揚帆
截海去帶月聽潮生別訪耽幽者從余攀赤城

訪湛泉王吏部北郭園

瀟灑王吏部好爲人所難忤俗豈忘世上書甘罷官灌園
陶唐裏結社龍門灘一榻青山外逢人白眼看

別郭漸齋

西省官聯同憲節故鄉笑語共遐方
正愁戎馬徵書急况復風煙別路長
絕塞浮雲過檠戟高城華月影枕榔
粵南冀北能相憶爲寄天邊雁數行

送後翁得告歸澶州

中丞節鉞下并州驄馬羊腸屬舊遊
十載霜威還鐵面三秋斥堠盡邊頭
病軀早上明農疏專闕誰分側席憂
莫謂東山高臥穩帝恩未許便歸休

澶州白雁津頭樹冀北黃雲塞上歌
宣室長城歸李勣中原將帥廣廉頗
生憎柳絮愁邊盛無柰鄉心夢裡多
廿載并汾今兩度桑乾回首意如何

題南山卷二首應潞郡教

上黨諸峯紫氣通迤南山色遶王宮關城萬井黃河北臺閣三秋白露中長日琴樽歌有祀往時圭璧憶分桐最憐深谷巖前桂亦拂賢王殿上風

三年爲客向并州兩見南山屬暮秋宋玉多愁應有賦梁王高興幾登樓爐煙孔雀新屏上花氣芙蓉別殿頭今日賡歌樽酒裏瑤華豈少報應劉

岱宗諫議謫鎮遠

自注時有星變

明堂再續周王禮宣室能容賈誼狂亢世有人還諫草清時憐汝獨遐荒龍吟鎮宅千峯雨雁度偏橋入月霜去住天涯各何意長星猶在太微傍

送曾筆山謫桂林

甘泉不獻揚雲賦
天柱空懸杞國憂
未分主恩寬萬死
豈辭薄罰示三流
蠻煙晚見河山色
瘴雨春深花鳥愁
宣室賜環定何日
暮雲天遠鳳皇樓

送李約齋戴前峯二諫議謫象郡

客風吹雨送蕭森
行盡湘南是桂林
萬死投荒明主惠
一封排闥杞人心
城臨北斗桄榔出
花暗春山瘴癘深
彈劍長歌倍憐汝
許身吾亦愛南金

送王侍御赴雁門兵備

雁門絕塞臨天塹
豸服新符擁鎮兵
夜識旄麾千象緯
早聞江漢見澄清
烽煙秋淨烏孫壘
刁斗春閑細柳營
漢戍

秦疆漫雄峙於今萬歲屬長城

送涂澄山副憲廣東

先子曾爲南粵使承家節操見郎君三秋草木饒霜氣五嶺風煙開瘴雲正自多愁同此日若爲相對惜離羣天涯夜後懷人夢應逐龍泉到海濱

別馮御史之南臺

星斗天南紫氣橫繡衣驄馬戒宵征深懷莫惜當筵醉定價曾收國士名六代文章江總宅三春煙雨石頭城崇頭遠傍三山起時憶朝陽聽鳳鳴

送友人之宣化主簿

日南銅柱扶桑近仙掌雲霞曙色分隔歲春風頻送客異

鄉何地更逢君堂開射鳴容猿嘯天入回龍分鳥羣佐理
無勞憚懷服銅環椎髻解論文

送蘇兵備南行感懷

自注時方有事南北

文章李杜齊名日戎馬江關攬轡時陳蹟幾迴驚轉盼浮
雲千里共愁思朔風羽檄宵鳴柝橫海樓船遠誓師不使
至尊憂北極全看龍虎奠南維

送公中山出守路安

水曹清望已無多離思相看柰若何虎竹新分唐節鉞羊
腸舊遶晉山河勸農暫借姚崇出問俗還經上黨過古往
今來漫陳蹟莫令歲月易蹉跎

送李春城守臨洮

鳳閣新綸節部曹高秋使節下臨洮三邊戎馬烽煙急萬
井樵蘇生計勞此日風流還召杜異時海寓望旌旄獨憐
郎署馮唐老坐對霜華感二毛

送方兵備赴蜀兼懷楊芳州座主

西路元戎看仗節南宮詞賦起明經天門初日餘殘雪江
國浮雲伴使星乘興還移浣溪棹幾時同過草亭生憎
楊柳催春發故向愁邊卻盡青

送黃太守之茶陵

春日郊原柳色柔使君五馬向雲州山光背郭千峯出江
氣還城入水流叔度旌旄從北下少陵書劍負西遊十年
空繫鄉園夢因折垂楊生遠愁

送竇子雨監兄

紫禁朝來啟御封，度支權屬大司農。
六軍餉道齊南國，百萬樓船轉上供。
里巷征輸雞犬力，關河憂患海門烽。
知君苦思惟民牧，應有琅函到九重。

山陵秋夜二首

孤鐙琴劍青山暮，萬里風煙白帝秋。
鳬履自從歸北極，魚書久不到南州。
瓊花瑤草何年拾，青簟疏簾長獨愁。
悵望遙空一回首，客星長夜照扁舟。

紅塵白雁風煙異，楓葉蘆花天地秋。
江閣草間雲夢外，天涯遊子禁城頭。
三湘驛使音書遠，五夜殘鐙心事幽。
明月照人遊在壁，山風送雨過西樓。

聞雁

沂國平生笑溫飽杜陵衣馬薄輕肥三湘驛使無來路九
月天涯未受衣已見鳴蛩來暗壁懸知清淚灑慈闈亂鴻
南避陰山雪安得臨風逐爾飛

送文二尹之吉水

燕臺爲客動經春忍折垂楊又贈君
聒耳幽簧春澗水關心亂絮曉山雲
西江雨霽煙沙界北極天閑鵲鷺羣
吉水從來有良牧行看古劍煥龍文

別蕭湘雲

明霜落木歲蕭蕭樽酒相看道路遙
點眼黃花催氣候搏風勁翻碍雲霄
汀沙雁落三湘雨天漢帆歸九月潮
臺上

黃金貯高價可能獨意向漁樵

與雲東公飲用前韻

去歲燕臺今夜月與君同醉碧霞觴蘭亭金谷仍秋思丹
桂黃花非故鄉涼露曉寒侵裋褐客星孤影照虛堂天涯
聚散鴻泥感一曲商歌盡楚狂

別雲東赴河南廉訪

北來官騎夜臺遠南去星輶汴水涯梓里冠裳如昨日郵
亭風露又黃花明開金錯千秋鏡清汎河流八月槎遙接
龍文瞻斗氣未應江國老張華

送李鷺山之台州

承家舊是儒官後華國仍傳拜相麻桑梓論交誰奕世風

塵岐路又三巴詩書不厭五車富歲月虛驚雙鬢華莫向
寒壇憐閨寂錦城春色爛仙葩

次韻答澄江憲伯

坐逢伯仲樽裳滿愁入邊關思轉深白草連天還雪色黃
雲絕塞已秋陰長裾曳履成何事尺組九泥違寸心十載
自憐通籍早人前徒解郢中吟

懷洗少汾得告東歸

爲憶南州洗司寇清時先我解朝簪風生牛渚帆檣遠花
滿龍山煙霧深中散有官愁不已長卿無力病還侵題書
報汝看山約江海迢迢鴻鶴心

送族兄魁下訓袁州

憶昔明光通籍後承家有弟共難兄滄江歲晚歸鴻雁白
草霜前詠鵲鴿郎署舊淹何遜老郡齋新識廣文清春風
黃鳥遙相憶綠水碧桃花滿城

過朽庵照臺

萬木蒼蒼寂照臺跨鼇西出帝城隈懸崖走溜虬枝上盪
壑飛雲鳥道迴祇樹落花禪榻靜雨龍歸洞石門開年來
蹤蹟半朝野此地逢僧三度來

送吳子催稅荊州

沈沙滌戟古荊州消息年來更百憂國稅未能忘逐末民
窮猶自費征求春風行旆延陵劍明月高城王粲樓肯把
音書慰寥落衡陽歸雁滿汀洲

紀事

中侍宵傳御札來上卿劍履躡三台時巡曠舉天朝典制
略眞煩濟世才五鳳排雲飛紫誥六龍夾日出燕臺麒麟
高閣雲霄上已爲元勳扈蹕開

緋衣金甲下青霄內侍傳宣總插貂抵劍長鳴沙苑馬盤
囊爭落海門鵬紛縕肉食誰長慮寂寞軍儲已半消總賴
夔龍居左右盡殫忠赤護神堯

城上棲烏散御鐘帳前入駿出飛龍芙蓉別殿香煙渺雲
雨荒臺草樹濃正憶寢園躬歲事更因遊豫省春農如何
爭識漢官者還道天顏隔九重

流澌二月下滹沱萬乘行春躍馬過黃道清風開朔漠朱

方分野動星河檣烏影帶昭陽日路草青承白玉珂見說
隨車多雨露潢池羣盜故如何

玉關烽火照崑崙北道黃麻委重臣夷夏豈忘宵旰慮
園未展歲時親洪河水嘯神龍度細柳春深萬馬屯早見
元臣歸紫極九霄長捧日華新

鄧中郎事

二月天王狩南服三湘使節出京畿河水冰澌濁浪沸春
原草色青山肥邾人故國還文藻楚代離宮今是非魚筍
最憐鄉土味關雲猶阻老萊衣

送胡進士出令長子

高城尙憶堯封日密子清香久寂寥五夜龍光飛上黨早

時鳬履下青霄雁鴻白度陰山雪草樹青連漳浦橋明發
燕臺送遙目暎空涼雨滿征輶

立夏日

灌木陰陰黃鳥嘯高齋兀坐思淒淒庭前生筍半成竹道
上飛花盡作泥人生幾何春又夏世路那堪東復西清吟
淺酌且自慰芳草天涯甯久迷

送沈知州歸二首

來隨海潮來去隨海潮去滄海掣鰲竿挂在扶桑樹
天台亦有家海水亦有涯歸帆與飛鳥相趁入蘆花

齋中小雨作

春江淨不流午枕睡初足白鶴何處來點破湘波綠

遊雁蕩雜咏

中峯石戴七星芒挂石青藤九尺長四十入盤天上路東
邊回首是扶桑

猿聲鳥語道邊聞水色嵐光樹杪分秋盡長空飛白鶴天
風吹散石梁雲

李太僕樂

三首

樂字和仲號鹿泉瀘溪人嘉靖乙未進士官南吏
部主事出爲河南參議終太僕寺卿和仲與弟棟
同舉於鄉少端慤言動不苟嘗游湛甘泉之門清
苦嚴正人皆憚之詩格清老不以講學掩七言如
夏日憩雲洞寺云野泐花深蠡釀蜜上方鐘定鳥

貌僧龍溪云萬雷不驚眠自穩一雨過時淵生雲
皆名句也惜所存不多

鹿泉洞

石洞冥冥傳有仙太康之後今何年蘭香芷馥浮晴川夾
岸桃花勢欲然洞中平曠堪草屨冰崖玉篠生秋妍懸泉
瀉出碧漪漣聊傍春叢一繫船愧無新詞石上鐫舉頭拍
手望青天王喬叔度皆世賢百年鬱滯憑君宣逃亡漸漸
歸農田不妨乘暇窮源泉金碧靈文遺古仙供君得意忘
甌釜

蘭泉山

行近泉流處幽香襲去舟雲深春雨暗山靜鳥聲柔石洞

幽期迫空江翠靄浮呼童煮山茗何異赤松遊

權峯

山空長日靜趺坐鎮忘歸瑞草香風細修筠暑氣微向人
仙犬吠得意野禽飛似此淹留便吾將老翠微

李副使棟一首

棟字隆仲號鵷野瀘溪人樂弟嘉靖戊戌進士初
授內江知縣再補丹徒行取吏部稽勲司主事進
文選司員外郎以言事謫兩淮運判歷雲南兵備
副使致仕歸徜徉山水率鄉後進講學蓋亦得力
於王湛者卒與兄同祀鄉賢隆仲性淳篤事母最
孝與兄友愛綦篤喜談經濟官吏部時庚戌之後

京師戒嚴世廟命百僚才猷宣著老成練達者疏
名以聞時華亭當國首舉隆仲才堪大任繼以言
事被謫直聲震海內未竟其用時論惜之隆仲與
長沙李紫懿公棠同年紫懿常助宣大總督王崇
嘏處置俺答得宜爲時論所許以副都御史巡撫
南贛所至有威惠終南吏部侍郎史稱其仕宦三
十年以介潔聞亦嘉隆時名臣也而無一詩可採
隆仲詩亦不多見僅存一首

仙槎壑

萬仞藤蘿挂紫煙洞門溪月共流泉種桃已結千年實敷
座曾成四果禪今日重來開石櫃幽期聊復檢遺詮日邊

五色連雲起又對春風一惘然

蕭遂寧禹臣一首

禹臣字子益長沙人嘉靖丁未進士官遂寧令擢
禮部員外郎著有度山文集

羅洋山房卽事

江空雲影日依依回首春山藹翠微靜裏獨聞嘯鳥怨坐
來時見落花飛窗留返照簾垂晚門掩深苔客到稀惆悵
西風何以慰謾將尊酒破愁圍

劉尙書堯誨十三首

堯誨字君納號凝齋臨武人嘉靖癸丑進士初令
新喻以治行高等擢南刑科給事中累官至兵部

尙書公幼有大志沈毅寡言弱冠讀書白雲山間
泰州王良之學朝夕體驗悠然有得官刑科時值
東南倭患亟抗疏論總制胡宗憲失策又浙直以
備倭故行提編法民困甚公抗言工於取民孰若
拙於省費語甚切至有不便者遂陰中之公乃力
請歸益力於學粵寇犯臨武公率子弟禦之又募
兵爲外援賊引去而南中大察以前疏奪諫職起
補上海丞屢遷至僉都御史巡撫八閩勦巨寇林
鳳遂有東番魍港呂宋玳瑁港之捷晉副都御史
尋以浮議聽勘歸勘卒無驗會兩粵多故擢公兵
部侍郎總制之公至條陳軍政事例法不少貸聲

威肅然粵中入寨徭舊爲梗經王陽明屢勦叛服
不常公調土兵定之酌善後七策遂不復反磨崖
紀功厥功甚偉又條畫粵西鹽法使湖以南民不
苦鹽嶺以東兵不苦餉公自奉節約所至常積羨
餘以資公帑至是積三十八萬用佐軍興後寧夏
以餉饋兵嘩卒賴公此銀給之一軍遂安晉戶兵
二部尙書會有謂公與江陵有嫌者遂乞歸卽衡
陽賓日門家焉有歷官奏議嶺南議治河三議留
垣吟稿虛籟集公學有本原體用明備兩粵之績
尤偉明史末爲立傳詩不事鉤棘白爾清挺

朱陵洞

慣熟山前路行吟人不疑
礪迴青嶂合雲湧碧簾垂
石髓浮春酌金光動曉曦
元虛不可覓欹枕問希夷

宿上封寺

祝融望不極百道飛靈泉
海日浮毳湧天風孤嶼懸
神開金簡秘僧飽石糧眠
莫怪耽空寂功成別有緣

望嶽

曾愛頭陀記秋風此日身
夢回蒼水使書絕魏夫人
白石山中飯黃芽世外春
金門須大隱歸志豈尋尊

縣西多寶寺

古寺蕭蕭一徑斜隔林疏
日集昏雅晴嵐野水浮千
樹煙火山城接萬家
逃社漸於詩酒熟委心偏與海天賒
憑欄

滿目驚生事不爲春風感歲華

登嶽喜晴

連日陰飈阻客船登臨晴宇忽熙然行來歲月無機事到處山靈有夙緣萬壑西風疏草木五峯秋色澹湖天明農自分歸來晚恥向山中問薄田

題太學周二水湘上草堂

郭外尋幽望不迷城闌曲曲度湘湄晴霞色借蓉塘曉湛露香添蘭畹滋散秩微風唵竹韻下帷深影落松枝不須結社羣英內此日林泉慰所思

韓張山

勝地誰能躡後蹤高風猶自拂孤松溪山十里稱名古蘋

藻千年致禮恭夜識文星移烏舍遠依南斗覓花封登臨
欲問欲眠處斜日昏雅起暮鐘

龍洞

誰將一竅鑿元林排壑尋幽步轉深瑤草琪花春寂寂白
雲青靄畫陰陰蛻身神物堅如石困世生民望作霖梁父
詞殘人已遠草廬空有老臣心

空山春夜聞雁

上林經歲別千里縱南飛何事春將半嘹唳尙未歸
閒心息煙渚驚起渡江春愁見黃花北秋風逐戰塵
雨餘蕭羽重拂拂水雲長避地頻來往無心戀稻梁

衡陽喜雨卷爲張水庵參藩題

老我扁舟一葉秋風曉渡江千慣酒不須逃社吟詩還許
登壇

遊武夷

三十六峯明月多美人隔水奏雲和相逢卽是人間路翠
黛芙蓉奈爾何

胡參議順華二首

順華字賓南武陵人嘉靖丙辰進士授興化知縣
擢南兵部職方司郎中累官江西布政司參議寄
南令興化以禦倭功內擢興人範銅爲像祀之官
江西時籍嚴嵩家絲豪無染家素貧所得俸悉置
義田贍族人其行誼如此詩不多見僅從選本得

二首

遊嶽麓

擾擾如何極乘閒選勝來風光看白異素抱若爲開獨杖
凌蒼碣雙相送綠杯仙巢何處問已是淨纖埃

雨中懷嶽麓之遊

通宵懷嶽麓雨恰隱朝暉暖翠薰僧夢幽香畏客煩遊須
遲霽好酒已後春存不待江潭漲桃花亂寺門

劉太僕穩五首

穩字朝重號仁山鄴人嘉靖丙辰進士由南京兵
部郎出爲廣東僉事備兵南韶時獍賊負固公單
騎叩壘諭之諸獍感泣又計擒山寇馬五等晉副

使仍治兵南韶殺盜魁官祖政於黃峒城英德以扼賊吭粵民歡呼肖公像祀焉以病告歸構精舍於雁峯之麓中丞趙公賢題曰龍雁書院因自稱龍雁山樵尋起粵西副使分部桂林時古田寇初平公畫善後事宜除粵宗室悍黨民賴以安會廣東海道缺以公調補尋轉參政仍理海務以府江之捷晉南京太僕寺少卿疾作卒於行署年五十七公貌不勝衣而器度宏遠嘗經吉州謁羅文恭又之安成謁鄒文莊商訂學旨著有山房漫稿仁山集十二卷見傳是樓書目

清晨度翠微，傍晚叩禪扉。
月下蓮花頂，雲侵薜荔衣。
古祠荒草合，高樹暮禽歸。
爲憶經行處，紛然歧路非。

方廣謁二賢祠次先師羅念庵先生韻

畢生懷仰止，今日慰心期。
賴有斯文在，能無絕學悲。
雲山迢遞路，風雪唱酬時。
此意愚誰會，悠悠歸去遲。

附錄念庵先生原唱坐石忽忘去買山無後期不
憐生是寄翻以愛爲悲門憶會題處松看初長時
千年風與月來者自樓遲

移寓能仁寺

浮杯吹向舊花林，棟宇岿然傲碧岑。
曲徑斜穿珠樹入，飛泉遙瀉玉溪深。
水田漠漠連青靄，庭院沈沈滿綠陰。
七十二峯曾徧歷，無如此地愜幽尋。

能仁寺酬九峯過訪

禪牀遙借上方幽散髮高眠得自由豈謂故人成遠夢依
然天際見孤舟百年萍梗驚難定一徑松蘿喜暫留分手
莫辭雲樹杳春山無伴更相求

遊棲霞寺

夢入名山已十年登臨今日興悠然層巒秀結青蓮蕊曲
水斜通白鹿泉柏影蕭疏含晚照巖陰迴合澹秋煙禪房
聽說無生話愧向長安索米錢

鄒太僕廷望一首

字見岳新化人嘉靖壬戌進士授河南新蔡
縣行以戶部主事出爲陝西鳳翔府知府擢

甘肅莊浪兵備道僉事兼行太僕寺少卿乞假歸
家居三十載始卒祀鄉賢先生居縣之洋溪以名
德清望重於鄉里居官有惠政河西士民懷之王
進才剽掠新化過洋溪望其廬曰此鄒僉事宅也
戒其部無敢譁而過者其威惠及人如此里居倡
修學宮萬厯姚志實出其手詩不見今所存有姚
侯平寇碑掌故所繫不可沒也亟補錄之

姚侯平寇碑銘

并序

元溪在縣之西南隅百十里許林麓四塞通辰酉諸溪
峒爲四方亡命所竄伏渠魁李再萬者又逋逃主也據
元溪凡幾世嘯聚諸無賴出入剽掠毋論新之人不獲

甯處卽隣境諸縣亦惴惴焉伺其動止以卜休息上官
檄郡邑大夫則又不可掩捕一夫當隘卽千百人徒惶
目視毋敢撓其鋒者故新有元溪元溪有李號累世膏
肅云當道議決去久之竟無一俘者癸未我大夫姚侯
至首詢民瘼卽議勦已而撫然曰欲利民而先厲之非
策也於是先走符招之不至復懸金餌之又不至乃遴
左右有計幹者抵其巢陷以奇策陳說利害不聽居數
月大夫曰擊先匿形吾計得矣會督學至故事提調挈
諸生往大夫輒空國行示以不備密授諸從事以方略
復往說之賊果不疑如期率黨至比至犒以醪饌張樂
飲宴賊安心焉飲方甘左右襲執者突出賊相視錯愕

就縛無一脫者大夫遄反下檄走穴以安其眾餘黨遂散乃籍其田宅若干遺孥徙之別里計口授地俾耕以食上其事於當道有忌之者大夫循循不自有而時議遂息除寇甫二年大夫功且定邑士大夫相與謀曰元溪之平大夫世世功也不有堅砥爲大夫世世頌未稱乃問紀於野史鄒廷望廷望曰昔孝寬當一面寄統百萬師僅奏一捷而勲州之置至今有餘慕焉矧大夫以一令而一騎不煩卽杯酒談笑閒而百年盤踞之寇去若拉朽偉哉俾我新與鄰頓釋駭顧而躋之安堵其所不能忘者又何如哉雖不文奚辭因敘其事而銘之命工勒石昭示後人侯名九功字徵虞滇之臨安人銘曰

賢哉大夫保障攸繫犁我坎窞登我衽席祈顙有赫晉大
夫隲隲也何如永世無斁

案元溪李再萬處險爲盜身死子繼橫行鄉里嘉
靖十一年知縣利君賓以計誘其渠入人戮之復
令其黨得相翦撲自贖賊漸平事聞擢御史去久
之復嘯聚亡命西誘峒蠻出沒湘寧安澈間爲寇
元溪李氏遂世以巨盜聞至姚君始再平之距利
訖事時甫四十年耳太僕此文絕不及利事未免
疏漏要其事均足紀近日吾鄉匪徒稍復熾所
望於賢守令之安輯者甯有已時耶又錢塘楊祐
過元溪詩元溪山高江水平渾崩崖峭壁紛岷嶽幾
年盜賊鄉里橫此日耕鑿康衢吟遐荒亦豈知帝
力天理終未仁人心西風攬
舊三歎息德化由來無古今

陳侍郎思育一首

思育字仁甫武陵人嘉靖乙丑進士改庶吉士授
檢討充經筵講官轉贊善歷中允升諭德轉少詹

兼侍讀學士終禮部左侍郎仁甫素有清望官檢
討時與同館新安許國石首王喬桂切劘爲古詩
主應天試首錄無錫顧文端憲成靜志居詩話從
化黎民表維敬在都下嘗偕縉紳韋布之士十
三人爲西山之遊仁甫與焉亦一時名流也惜詩
不多見

北上元光洞中留別李源堃方伯

自注方伯有元光詩文稿

幾回題字問音徽遙憶山堂住翠微溪上清言經歲阻
中先達似公稀開函雅詠餘芳草拔綬高名重紫微此去
永慚塵夢裡客星長望淥蘿磯

丁大理廳賓

一首

應賓字聘之龍陽人嘉靖乙丑進士授平湖知縣
擢大理府知府

秦人洞

渺渺巖扉草色新偶來洞口憶迷津
桃花競瀉千峯雨流水長含一澗春
盛世只須招隱士名山焉用避秦人
清修靜侶知難再回首予宮有夢頻

易僉事泉一首

泉字伯原一字蒙庵衡陽人舉嘉靖壬午湖南鄉
試第一除鎮江府推官入爲戶部員外郎擢雲南
按察司事以病免蒙庵所學純粹嘗師事湛甘
泉呂柟鄉守益於南雍居官廉靜明恕其入焉

部郎也方簡肅公鈍時爲大司徒謂其屬曰是吾
鄉真君子也性至孝在南雍聞父訃哀毀幾絕
野作詩慰遣之好讀書終日危坐衣冠必整嘗曰
學在整齊嚴肅舍此無入手處晚與劉太僕穩伯
同志月六會於聖賢性命之旨多所發明

嘉忠錄詩爲宋義卿先生作

漢室興隆日淮南未寢謀
憤倫天地怒血刃鬼神愁
維鳥拚飛候人情枳樹秋
械身勁不屈罵賊死方休
古靖初生得康郎舊約酬
一身當萬死千古激羣流
魂其汨羅逝義同屈子儔
嘉忠自天啟廟祀永世修
生氣凜猶在遺骸誰更求
何如犬羊輩噍類終包羞

石新會如鼇

一首

如鼇字蛟潭湘潭人嘉靖壬午舉人官廣東新會

知縣

抵新會署中感懷

百粵古炎荒承恩泣海疆官卑身似繫政簡日偏長
洵湧崖門浪淒清宋相堂慈元宮已廢山水仍蒼茫

郭舉人如磐

一首

如磐藍山人嘉靖壬午舉人

博石嶺

入山悔不深入林悔不早行腳遍平陽但說博山好此山
無他奇託跡於幽杳咫尺隔城市耳目靜羣擾羣勢爭迴

環樓閣宛礪祿劫灰幾消沈往事費探討片榻臥旃檀夢
想離顛倒富貴等空華榮名安足寶少壯如鷗逝雙鬢成
衰老所愧浪遊人往還殊草草吾友宰官身不負山靈禱
何以傳千秋爲撰博山考

邱縣令萬璣一首

萬璣平江人嘉靖乙酉舉人官知縣與弟萬瓊齊
名

夏侯見過

鳬舄從天下蝸居竟日留卑棲慚薄劣小酌荷綢繆羅雀
門原靜鳴鶯谷更幽江山還有待重擬泛仙舟

劉宣化文箕一首

文箕字南有武岡人嘉靖乙酉舉人官北直隸宣
化縣知縣有政聲假歸鍵戶讀書修輯州志頗有
鑒裁

龍潭

碧水西連驛路斜石崖深處見僧家紅塵莫惜春風晚山
鳥猶嘯未落花

王教授志清 三首

志清字天宇常寧人以廩生貢太學考授浙江仁
和縣教諭升南昌府教授天宇亦姚江門人往來
論學甚多見陽明集著有性理解陽明序行

中林

中林百舌鳥能爲百鳥鳴世人偏悅耳所悅非性貞歟有
鳳鳥至衆鳥無應聲聲亦無殊衆獨得天地清

歸家

老病身猶在天涯客獨歸南塘餘落葉西嶺牘斜暉谷暗
泉聲靜煙深鳥徑微長安音息斷回悵暮雲飛

哭徐曰仁

自注曰仁嘗偕余居陽明先生公廨一夕
夢神謂汝與顏子同德同壽云云今果驗

三千里外哭亡友五百年來誰見知河北政傳循吏日江
南夢記少年時修文地下真君事作諫人閒爲道悲正值
啾啾吟未了都門回首益淒其

鄺斷事民望一首

民望字石巖臨武人嘉靖朝貢生官雲南寧州斷

事石巖與弟民舉秀巖同受學於呂涇野民舉舉
嘉靖甲午鄉試令昆明滇大饑石巖同其弟奉檄
振卹因安撫土苗奏免糧運卻土官餽遺兄弟同
祀名宦昆明詩不見僅存斷事近體一首

資福寺

一曲清江遶碧灣空林春鳥自關關老僧不語傍山去孤
鶴避人立樹閒峯頂看來何處小眼前贏得幾人閑尋幽
未用貪奇福便擬躬耕老此山

賈提舉堂

一首

堂沅江人嘉靖閒貢生歷官涇州同知廣東鹽課
提舉

過洞庭湖

洞庭秋色楚天開
楚客狂歌擊楫來
四顧恍疑空宇宙
中流忽見擁樓臺
濃蘭舊識騷人賦
湘竹空餘帝女哀
此去長安盈一水
乘槎應得近蓬萊

李主簿玉一首

玉桃源人嘉靖閒貢生
官壁山主簿喜吟詠以廉
介著聞于春熙令萬縣能世其學亦詩人
之有治才者也

秦人洞

碧洞嶙峋世代非
桃花無徑覓芳菲
名山到處堪招隱
塵路何人解息機
病骨倦扶蒼竹杖
幽懷尙欠綠荷衣
神遊

入極勞清夢安得重逢司馬徽

蕭祿豐坤 一首

坤字儒章安化人嘉靖閒貢生官祿豐縣知縣

出梅山歌

出梅山出梅山梅山峻嶒高上天懸榛怪石錯道左擔夫
挂足行且嘖我方乘馬嶺上走揚鞭踏磴追飛雲雲飛倏
來還倏往太虛聚散無留痕刀耕火種是生業賣劍買犢
爲良民家家絃歌宴春酒穿堂之禮今稀聞入門盥手朔
望掛閭閻禮俗成彬彬當年開鑿章訪察陰謀賴有三上
人自注開梅時爲熙寧追今五百載我爲表章難具陳詩
成遣我山下走狂歌山頂呼青春

沈通判鑑 一第

鑑號靖陽靖州人嘉靖間

靖州志作癸巳

拔貢官出靖府

通判嘗作禹碑釋文自言始得是碑夜夢神禹授以古瓶下有篆文類碑字及早起誦若素識不勞思慮遂作釋云與楊慎所釋小異用修之詞曰承帝曰嗟翼輔佐卿洲渚與登鳥獸之門身參洪流而明發爾興久旅忘家宿岳麓庭志營形折心罔弗辰往求平定華岳秦衡宗疏事哀勞餘伸禋饗塞昏徙南瀆衍亨衣制食備萬國其甯竄舞永奔靖陽謂洲渚當作水處洪流當作魚池久旅當作以此鬱當作羸瀆衍亨當作暴昌言永當作蒸凡

異者十一字案禹碑凡四釋升庵靖陽而外又有
仁和郎瑛南昌楊時喬二家楊與沈異者十一字
郎與沈異者二十二字至時喬所釋同者僅十六
字且以第三四五句爲三字一讀湖南通志云瑛
復因張世南有癸酉二字難識之語謂用修與沈
皆未及釋故更其釋中發爾二字爲癸酉是皆不
足深辨昔人謂禹碑不必僞但金簡玉書於古說
旣無傳後人斷難臆識不釋可也其論最爲明通
若青銚寶光至託之鬼神夢寐以神其說尤過矣
要其人亦關係湖以南文獻自不可廢今通志旣
不爲鑑立傳靖州志僅存其名釋碑外亦不見他

著作茲從別記採得詩一首亟爲登錄而并識其略如此

弔宋義卿先生

文山義壯燕關獄屈子忠回汨水瀾萬古精靈同一轍霜風吹透鷗衣寒

案此詩見嘉忠錄錄有數刻一作訓導劉之芳考靖州志職官表無之芳其人而州志別載鑑詩有得亨乾坤正氣生生死可否一心明之句語近淺俚故去彼取此

張徵君繼志一首

繼志字希孝武岡人篤學厲行能爲詩隆慶中以邊事急需才詔徵天下山林隱逸之士有司以其名上固辭大吏以儒官徵敦請鄉飲亦不赴布衣

終身嘗作瑞芝賦其詞曰歲元默之涒灘兮溢朱
明于蕤賓產靈芝於邵陵兮雜五彩之續紛稟天
地之清淑兮吸日月之經緯混一氣之沆瀣兮啟
二秀之困輪倏芳風而藻川兮或霧隱而雲羃散
瑤光之陸離兮森珉枝與金萼羌濱水之滋溉兮
又香草之薰灼攀杜蘅於九畹兮異蘘蘢之綽蒨
茁朱柯與紫筍兮恍琪花之蒔藥於是擷靈芬以
承筐兮擘羣卉之馨芳離卑溼之下土兮嗽君子
之高堂充珎璜之雜佩兮佐潔白之壺觴願屑玉
而爲液兮願琢瓊以爲漿沁甘露於金莖兮流橘
井之寒香信長生之可必兮樂眉壽於未央曰余

倥傯以佗僚兮雜蒿艾而何妨也抱蒼龍之寸心
兮雖不死亦自傷也委嘉貺於草莽兮亮瀛島其
無望也抱靈芝而老死兮終吾生以徜徉也

南山

山霧初收紫殿開捫蘿同上最高臺銀釭夢榻遊仙去天
雨沾衣禮佛迴花下黃冠頻乞賦松前白鶴懇畱杯使君
高况星河上愧我原非李白才

楊經歷朝雲一首

朝雲廬溪人嘉靖閒貢生官東川經歷聞沅陵唐
子充自贛州從王陽明歸卽負笈從遊蓋亦以講
學鳴者也

牀機巖

織就霓裳御曉風玉梭隨手化成龍
天孫歸去天河靜滿地月明機杼空

李

杜一首

杜桃源人

古洞

峯迴藏古洞世遠問仙槎巖瀑晴飛雨
溪煙晚幕花猿窺丹竈火犬吠白雲家
笑指漁郎路川原一徑斜

李

僑一首

僑桃源人嘉靖閒貢生

桃川

洞隱參差樹花間
屈曲溪丹臺春鹿臥翠壑
午雞啼宿鳥
縣松黯閒雲壓竹低
秦人如可訪予亦欲巖棲

李廷玠二首

廷玠字寤軒安化人明遠太守鑑子有夙慧七歲
夢黃衣人語之云汝本逍遙天上客親隨玉帝掌
名機只因下閱瓊花會流落人間不得歸覺以告
其父曰汝當爲仙籍中人及長好學喜吟詠不干
仕途以布衣終惜無所流傳也

裴亭

昔人已云沒遺臺江上岑何當披翠靄埽石坐松陰

甘壘

故老云斯地曾屯十萬兵至今江上水猶作鼓鼙聲

沅湘耆舊集卷第十八

新化鄧顯鶴湘皋編輯

鄞縣沈道寬栗仲校訂

洞庭漁人孫宜 十九首

宜字用可華容人嘉靖戊子舉人有洞庭漁人集
五十卷華容孫氏世有聞人著述甚富自世其副
使至子嚮遼撫凡五世皆以文學起家致通顯不
僅人人有集已也用可詩多至三千八百餘首顧
元言稱其新聲奇調在李唐二孟之間王元美謂
其得力於杜朱竹垞謂實源於大李錢氏列朝詩
乃故相詆謫今其詩具在平心讀之豈蒙叟愛憎

之口所能掩乎

顧元言云漁人新聲奇調在李唐

列朝詩選小傳世其居官亢直屢遭排擠以死為

諸生受學於何仲默仲可幼時得侍仲默長而傾

慕其風流既屈一第遂肆力詩賦以千秋自命與

漢人張含素人王國瓊吳人黃省魯皆以老舉子

有名於時所為詩極多靜志居詩話洞庭漁人

胡氏詩藪稱其學杜然實源於大李故論詩絕句

云我愛風流太白豪萬言珠玉在揮毫特其運筆

太重斯與謫仙人不類耳其於空同大復少谷太

初迪功西原皆其所取法滔滔莽莽

莽下筆不休亦楚產之傑出者

洞庭

洞庭控南服浩渺若滄海緒風激迴瀾冥雨散孤靄七澤

勢互淪萬古流不改島嶼既華業江漢復潏匯圓波濺石

齒高浪蹴山巔瞰回衆山明魄墮頽瀾委艤楫隨迷茫經

湍怯崔嵬貼危賈客疑坎夕行人悔日險迺足嘆際平亦

堪待寒正懷若遊採蘭愴誰在

君山

高山峙平湖巨澤淪廣陸崢嶸島嶼環
逶迤巖嶂續石壁
鑑澄流煙蘿陰迴湫沙寒吞浪接水落
崇崖縮攢樹浮遠
空鳴山脊虛谷飄飄荒宇嚴敞赫湘靈
伏雨葉洒叢蘭風
簞振修竹秦灰慨燒劫楚望瞻形肅夷
猶帝降疑杳漢君
行速甯當滯遠蹤誓此探元窟

岳陽樓

行客滯修軫繫舸眺危城城高已足展
樓古復斯名曠達
豁紫霄天矯凌太清崇闌互環接曲磴
裊崢嶸旁睇旣洞
徹俯矚亦虛明湖風洒檻側山影倒城
闕遶迴闕吳艇歛

乃聆楚聲簷樹晚墮葉牆菊秋敷榮塵車謝旣遠俗抱渺
以澄停觴慨餘興高咏慰平生

湖上

湖上秋色半經年吾始來繫舟泊溪口聊訪垂綸臺水光
蕩菰蒲鷗鷺相與回沙明白石岸夕照青霞杯漁父煙艇
中棹歌聲相催片月出遠空蒼茫碧雲開北斗插波落天
河低野迴露下涼吹生颿狀動秋懷枝藜謝鄰叟斗酒明
當偕

十三夜月

良晤旣匪易佳節亦復過今夕非昨夕光景忽已多霏霏
失元霧濛濛增金波昔時猶室隅茲升眇庭柯當屏萬象

啟側戶三星羅蕭爽候愈寂沈冥夜如何興言悅至賞春
此成清歌

十四夜月

循環乃常度盈昃亦至理幾望已在茲持盈有深旨天運
恆自然人事安足恃未滿溢漸形欲盛衰伊始倚伏本眞
機損益妙良軌志以道自虛情緣欲斯侈守義焉所窮法
乾信云美

送周氏

黃河逾東逝白日淹西沈人生不滿百奈此世慮侵貧賤
豈得渝富貴安可欽浮榮竟杳漠要路恆崎嶇邵侯悅瓜
田陶令謝華簪達觀信有及古道良足箴得喪匪人爲憂

樂由我心願言返初服聆我山水音

楚港

結軫倦久疴嚴裝理前遊山行稍云疲水宿良所由弭櫂
臨別浦揚舠逝安流波迴路曲折雲霽天沈浮霜荻響近
潛風篠鳴長洲沙翔去來驚岸並連拳鷗澤蘭晚漸垂江
菰秋如柔遵嶼乍離合凌飈屢優游擊楫情已乖乘桴興
將伴卽此締鷗盟抽詞贈同舟

行視別業禾稼作

徇緣返塵軌臥疴遂幽垌爲圃竟不習學稼鮮所明薄田
委饅僕嬾性謝經營春陽始云改夏序亦以征輟翰越歲
棲振衣事郊行旣暢景物麗復感禾黍盈雲葉被眇秀風

花覆阡平修渠濯細流佳實播初馨堅好類周穡耗蠹殊
魯螟利婦足遺穗築場喜新晴澤忝我私及秋荷令歲成
籩糲甘白膏飽煖奚更營且免洛陽歎聊結杜曲盟

王生入山謝事戲簡

疾風吹雲暗江縣東城之雷北城電城中一雨絕可憐十
日不見王生面昨當折簡傳深意咫尺山城爾須至楊雄
草屨亦避人侯範載酒會多事

秋日歌

秋風忽吹洞庭草萬壑千崖覺秋早江邊白石迴波濤湖
上蒼雲亂昏曉少年日月易搖落卽目繁華已枯槁人事
天時合併催風塵何必長安道

秋風淅淅吹茅屋東流之水西日速地連南極北極雲葉
落千山萬山木江上漁人罷釣歸臨風拋擲綠荷衣黃塵
碧海眞漂泊白石滄波誰是非

湖上歌

城西草堂湖水頭清沙白石高堂幽越人鼓枻漁父唱我
行暮出湖上游游中少年誰最少周王二子同攀留湖風
拂船船欲放渚日回煙煙正柔白鷗之岸青草洲綠水不
動滄波收咫尺復愁雷雨至蕭條但覺陂塘秋明星迢迢
月皎皎高歌妙曲揚中流佳人此夕應遺佩王子今辰還
共舟人生有樂須白頭百年光景難遽休君不見瀟湘之
側風雨愁金花瑤草空悠悠

皇夫歎

歲當己亥三月初天子南幸鄆郢都飛書走檄連日夜藩
司之使催皇夫編氓土著簽不足流居浮戶帖始敷索賫
要賂弊難竟私有里甲公吏徒高原豎旗衆夫集縣官領
夫速行役額夫四百征已辦發票捉人尙邨陌城中粗械
繫盈道中男幼丁盡供籍問之何物爲此謀校官署職明
需求赤金白銀惟意納少者禁錮多卽收窮鄉下井甯得
脫苦形痛管無時休私豪公費非不有簿冊誇張任其手
小民但圖免淹繫兒女何辭易升斗君不見廣文昔時飯
不足僕妾年來厭梁肉又不見蒼頭役卒衣舊鶉夜半通
賄人掾門

皇磚款

龍輿夙駕西南行有敕謀廣承天城亞卿奉詔區畫當內
侍督作簡命精湖南州縣半彫敝募徒取具無橫征昨來
羽檄衝宵至御聖皇磚坐茲地縣令封柴重紛擾藩司處
價良寬倍百金須磚僅過萬民力官州足供費黃湖山前
餘古窰開山設廨臨江皋千夫搏埴衆牛踏泊官點閱開
吏勞連雲煙火望不息棄地瓦礫增時高巧人審徒告如
數潔酒虔牲謝神護材成赤土齊方平光發青銅盡完固
監工動色匠氏喜敕使行臺定無怒平原莽曠畢出磚署
縣發卒羅磚船大艘小船儘查報來商去賈無敢前要貲
納賄始一脫白晝牙校明閭闔報船未已還簽部越里窮

鄉索殷富家饒斗斛那得眠囊有錙銖悉充賂分畫甯蒙
滑胥憫逋逃反遭苦刑錮君不見磚船報盡解頭過未解
之磚尙填布又不見縣官庫吏日夕忙秤金量銀如太倉

同諸友遊郭曲

地勝因湖得堂幽對野開晚風吹笛起秋水抱城迴溪友
留魚去鄰翁送酒來爲言九日近引客試登臺

十三夜月簡謝子

今夕江樓月能添昨夜明苑雲寒自歛城角霽尤清露警
花閒鶴風微樹杪螢百壺高興在端坐待君傾

湖上雜興

地遠山圍宅城孤市遠村菰蒲侵草閣鷗鷺浴柴門野霧

峯全暝湖煙渚半昏坐憐漁父過隨意倒芳尊

駕幸承天

迢遙列郡總維城綵仗朱籠夾道迎太守尙寬誅北地

原注

漢武帝巡行以亭障不修誅北地以下六十人

羣臣何似幸南京

原注武宗南巡金陵羣臣諫者

數百人山河嵩洛開皇覽雨露荆襄動聖情莫謂此行勞萬

乘卽今四海是昇平

鄭解元宗舜

一首

宗舜字芝封醴陵人舉嘉靖戊子鄉試第一性至

孝喜博覽定省外卽閉戶讀書太守潘鑑常造廬

諮焉見書卷盈几丹黃爛然叩之如宿記著有淥

江漫集

醴泉

杖藜出郭頻回首花外春光柳外庵靈勝不憑今日眼風
流應負昔人談一泓暗動浮尊蟻千載誰停僻地驂獨坐
沙茵傾酌罷空明偏不洗吟酣

方參政啟參二首

啟參字少岳巴陵人嘉靖戊子舉人歷官河東都
轉使山東右參政假歸隆慶初以原官起用踰年
復連疏乞休巴陵方氏爲湖以南鉅族自明代方
伯公廷玉簡肅公鈍至本朝中丞公顯仍世通
顯門才甚盛其詩均未及見茲僅採入參政詩二

首

湖中風雨偶作

愁眼看南極驚心又北風浪花欺白鬢霜葉老丹楓漠漠
秋天外冥冥暮雨中浮生何所似天地一飄蓬

秋日思歸湖上草堂

湖上溪山舊草堂荻花楓葉故蒼蒼湘絃虛擬當年鼓楚
佩空憐此日香門外蓬深秋自翳案頭螢死夜偏長追思
往事真成夢回首迷途老欲狂

牛舉人鳳一首

鳳字

瀘溪人嘉靖辛卯舉人

浦市山庵憶舊

曾向空亭坐歲寒夜深燈火照江干八年蹤跡布袍穩方

丈清虛禪榻安面壁只餘齋狔狔茶毗不見舊僧官交遊
落落俱星散眼底雲山依舊看

許新安潮 五首

潮字時泉靖州人嘉靖甲午舉人官河南新安縣
知縣時泉博洽多聞出宋忠節公義卿先生門著
有易解讀史續諸書詩集未見偶存一二皆穩洽
可誦

弔宋忠節公

身任封疆臣當爲封疆死到處青山下白骨皆可委烈哉
西溪翁忠言猶在耳浩氣塞蒼髮安肯同犬豕仲連東海
情文山衣帶旨慷慨赴潔流千載耀青史

客秋有感

芳草人何慕秋花類轉蓬
夢驚嵩月冷望隔楚雲濃
楊柳風中笛閣閣飯後鐘
誰家金縷曲清夜醉芙蓉
寒露不凝菊秋陰已去桐
乾坤雙過鳥南北一征鴻
涸轍思時雨虛舟憶定風
夜深看劍氣猶奮舊時虹

二忠祠

生非容易死非難生死難於道義安
天理在人心不泯英風吹我髮猶寒
萬夫莫贖雙良將百鍊難銷一寸丹
廟創康莊真有意分明留與丈夫看

按二忠祠在靖州城西前明巡撫顧璘建祀死節指揮鄧雲曹鵬知州秘心傳題碑表於道

秋日洛城有感

南冠南望碧雲頭。楚水荆山入夢遊。寸草幾回登岵岵。三星永夕賦綢繆。深慚杜甫依嚴武。浪信何常薦馬周。晚憤清狂彈短鋏。仰天大笑月橫秋。

李萬縣春熙三首

春熙字沅南桃源人嘉靖甲午舉人官萬縣令有
屈亭稿道聽錄沅南幼有神童之稱年十六試舉
人已中式書榜時以一縣四李抑之踰三年復舉
於鄉案嘉靖十年辛卯湖廣鄉試傳臚榜桃源得

李相李徵李位李文鳳四人傳聞殆不誣也

江進之雪

濤詩話云余邑李沅南風情特勝赴公車別所愛
姬代爲題詩曰寶馬金鞭白玉鞍藁砧明日上長
安夜深一點傷心淚滴入紅爐火亦寒詩固佳沅
南託於他人不欲自著云沅南又述一人題二喬

觀兵書圖云香肩並倚讀兵書
稽略原非中饋圖
千古周南風化本晚涼何不讀
關雎亦雅致可喜
餘仙訪於獻夫二首

江上煙消圖畫開蒲帆蘭槳溯流來
相逢已擬同傾倒肯似山陰興盡回

馬石溪頭煙樹連白雲山下望餘仙
兒童笑指牙檣影疑是元章書畫船

漁仙寺獻夫卜隱改爲餘仙謂有餘之仙也
遂自號方外餘仙

深洞元藏二酉書松閒新搆草茅廬
相逢漫羨神仙好比似神仙更有餘

李經歷雍 一首

雍字師丹號梅泉安化人嘉靖丁酉拔貢官河南

布政司經歷有蛩蜋鳴集

司徒嶺弔王將軍同殉難處

萬馬任嘶關莫渡一夫當敵勢難開當年守禦奇男子猶有餘光照草萊

案司徒嶺在安化東八十里宋史梅山谿嗣傳所調東起司徒嶺是也上有王公祠祀五代時死事王同同湘鄉人仕馬氏與瑤人戰死於此山因以名宋熙甯間開梅山奏封嘉應侯吳致堯有記見通志祠廟門

李舉人廷簡一首

廷簡字文達興寧人嘉靖庚子舉人有集文達事

母以孝聞嗜學好吟工五言如松雲暝倦鶴池草

躍鳴蛙陰雲蒸野水衰草結荒邨皆佳句也詩集
情未見

遊羊角山

排雲看直上曲角似擎拳石隙剛容屋山根自出泉鳥曉
清晝梵鐘破五更禪我亦佳枯寂無能脫俗緣

周通判尙文一首

尙文字

靖州人嘉靖庚子舉人台州府通判

嘉忠祠謁宋忠節公

危峯削起插天關雄壓渠西萬點山偶劈奇英闢混沌便
分孤氣塞時艱楚雲目斷香魂遠彭水波高客淚潛每過
宗祠瞻俎豆陰風如動睫眉閒

康廣昌正宗一首

正宗字賓風邵陽人嘉靖庚子舉人官廣昌知縣
賓風幼孤露茹苦嗜學著有游涉廣騷等集賓風
舉鄉試先一年世宗以葬慈孝皇后幸楚免楚地
田租詔書有我爲君爾爲民各盡其道語是年闡
中謝表卽以命題正宗表聯有云詞不嫌爾我之
稱略天地尊卑之分義每關忠孝之大昭日星燦
爛之文又游興邸詩有龍去北臺新紫氣燕來南
國舊烏衣之句爲時所稱詩稿散佚僅從方志中
采得一首其詞似有所諷殆作於分宜當國之時
與詩境樸老可想見其爲人

雙清亭有感

塵世汙流大莫支，
舉亭何獨對漣漪。
兩江資邵澄清處，
萬古夷齊媲美時。
到海黃河終齒辱，
長空明月是心知。
寒光五夜清毛骨，
未許貧夫一妄窺。

李潼川本恕一首

本恕字平江人，通志作巴陵人，嘉靖庚子舉

人，官潼川知州。

送艾熙亭出撫四川

樓船曉發喚新鷺，
帆影南薰五兩輕。
玉壘祠堂先主廟，
繡林煙火呂蒙營。
立朝封事批鱗上，
入蜀圖書載鶴行。
此去觀風多逸興，
揮毫題遍錦官城。

於睢州文徵一首

文徵字信夫一字獻夫武陵人嘉靖庚子舉人歷
官睢州知州有於大夫集獻夫權奇倜儻軀狀甚
偉虎鬚虬髯議論風生爲政不盡用國家令甲而
循績甚著以乞養歸就瀝公漁仙寺卜居改漁爲
餘自號方外餘仙詩集爲王元美序行見弇州四
部稿今其集久佚鼎人亦無有能稱道之者矣
餘仙洞寄孫淮海

記得前旌發習池醉餘同望峴山碑三年蹤跡勞心寫萬
里雲霄見羽儀偃仰洞中聊自適交游海內幾相知題書
漫附黔西使鷄黍重逢未有期

李通判煥然一首

煥然字子晦黔陽人嘉靖丙午順天鄉試舉人授
陝西同官縣知縣改福建建寧府教授戊午膺聘
爲順天同考官辛酉典廣西試號稱得人擢建寧
府通判

登葉家山

梯雲陟圓嶠空濤沈冥上有仙人掌疑摘高垣星天泉
飛玉液石洞橫金經名僧開覺路骨蛻留真形我來閱田
疇無緣結山靈忽看氣深紫煙中芝莖馨因之恣餐餌可
以希長齡

李戶部本意一首

本意字幼誠平江人嘉靖丙午舉人官大名知縣
遷南戶部主事

送艾熙亭赴謫所

一疏無慚對故鄉征車迢遞赴西羌孤蹤但識朝廷重去
國焉知道路長夢繞慈幃瞻阜麓心懸魏闕阻河湟相逢
漫論升沈事且拂干將其舉觴

唐合州宗元一首

宗元字 靖州人嘉靖壬子舉人官四川合州
知州與弟宗正齊名宗正甲子舉人建昌府丞兄
弟均有集未見

弔宋忠節公

聖明開景運重熙百餘春民安物以阜率土歸皇仁宸濠
逆天紀慘毒及縉紳華林誘逋寇穩惡志無垠偉哉宋太
守備患多經綸捐金繕壘堞儲粟增營屯節愛沮箕斂捕
黨翦逆鄰平反誣陷獄奇禍鍾厥身臨危誓不屈勁節磨
弗磷脅執次彭蠡抱赤向楓宸捐軀爰得所報國志以伸
忠肝託魚腹正氣搏空雲我聞忠烈士磊落非常倫生兮
固不偶死也終不泯彝倫首忠孝舉世重君親宸章煥褒
寵流風激後人

王銅梁德立

一首

德立字心宇安化人嘉靖壬子舉人官銅梁縣知

縣

湘浦吟爲楊友母賦

湘之浦水泠泠湘水泠泠注洞庭湘山黯黯嘯猿醒縹渺
湘山萬竿淚回首蒼梧天欲冥蒼梧迢遞接南海萬里招
魂杳難待孤凰萬里心俱馳此心可摧不可改此心一片
如孤月悔不當年共圓缺清光夜夜澄湘流那知歲月暗
飄忽七十年來駕夢寒冰霜爲操玉爲肝溝瀆之諒豈能
若兒孫玉立饒芝蘭頽波誰作中流砥耿耿孤芳映青史
一成不遂虞思封何事湘山空淚濃

龍長寧應濱一首

應濱字思庭湘鄉人嘉靖乙卯舉人廣東長寧知
縣長寧土廣而沃民多逋賦爲盜思庭釐家資代

還所逋姦民皆感愧出見謝罪願改過樂輸無有
復爲盜者有橋通汀贛孔道圯出私財三千金修
復不以一錢累民人呼龍公橋爲建祠其上祀之
東臺

崔巍碧巘俯丹邱臺枕清漣灝氣流一自乘鸞仙子去碧
梧煙月不知秋

邱桐柏萬瓊二首

萬瓊字國華平江人嘉靖戊午舉人官桐柏知縣
與兄萬璣齊名感時憂世時見吟詠有碧蘚集艾
和甫以比何李稱其俯仰千古舉一切世情而逃
於詩可繼胡天游氏而起又云塵外之致老而逾

趙盞詩人之有品者惜全稿不見

八月十二夜登岳陽樓

近日登黃鶴今宵又岳陽江湖堪涕淚身世總蒼茫浩氣
開金鑑光風動野航美人在何許獨立一低昂
月湧金波淨登樓興欲飛君山如可剗湖月更多輝點點
舟航渡雙雙鷗鷺依此身那久絆終擬卜漁磯

龍戶邵德孚 二首

德孚字伯貞武陵人嘉靖戊午舉人授衛輝司理
轉寧波府丞入爲南戶部員外郎有對湘樓集戶
部爲君御先生之父司理衛輝時按疑獄禱於城
隍神其人自械於庭得抵罪人稱神君丞寧波尤

多異政明人作三異錄以紀之是歲大計天下以
寧波丞爲廉平第一晚節事佛結精舍於德山築
元扈石室於西郭以終詩不多見聊存二首以見
太常之學所由來也

乾明寺

崇構乾明舊法堂皈依初地此津梁好從水月通禪觀重
作人天選佛場影浴芙蕖空是色風含薝蔔淨生香時來
梵唄驚龍卧雲磬霜鐘滿上方

訪魏嘉則先生不過

一艇秋江雨孤村晚樹煙浪遊當九日陳迹已三年搔首
蒼黃菊攢眉憶白蓮剡溪安道舫流水子期絃碧海君垂

釣滄潭客扣舷印苔留屐齒咄咄草堂前

陳江津一能一首

一能字洞衡武陵人嘉靖戊午舉人江津縣知縣

德山白龍潭歌

空江三更月魄冷潭底白龍睡未醒我來大叫呼白龍驚
起船頭素波影爾來乘月溪橋西想像陶潛過虎溪爲愛
一堂清似水一聲鐘響攬雲底鐘聲悠揚繞佛座撞起煙
冥混沌破聽鐘翻作明月歌直徵潭底白龍和白龍和歌
潭水潄奪月倒挂玲瓏珠隱然現出白毫相光芒遠射乾
明孤孤峯明月清如許白龍和歌作人語萬劫同遊不夜
天今夕何夕臨江渚金剛去後空浮屠塔高三尺來與吾

今我唱和誰爲主要知元龍老子猶龍乎

艾僉都穆

入首

穆字和甫一字熙亭平江人嘉靖辛酉舉人初任爲國子監助教萬歷初遷刑部主事歷員外郎抗疏論張文忠奪情廷杖遣戍西寧久之起補光祿少卿轉鴻臚寺卿再轉太僕寺卿以都察院右僉都御史巡撫四川有終太山人集朱錫鬯氏謂公與其鄉沈純甫先生同論江陵奪情其謫戍一西一南艾詩云青山到處皆吾土豈必湘南是故鄉是亦達人之言西竄之後詩律頗效空同自公而後南風多死音矣其詆訶楚人可謂不遺餘力實

則吾楚詩人汪明季尤盛君御進之去和甫差近
勿論他若吾郡之車孝思王稚潛邵子興潘章辰
益陽之郭天門衡陽之王船山寧鄉之陶密庵大
雲華客之程或委善化之黃又謙攸縣之劉杜三
隨舉一家皆萬歷以後之人其詩具在置之當日
中原壇坫所稱七子五子廣五子四十子中未或
多讓而動以鍾譚詆楚人亦未見其持論之平也
出都

病向西風一促裝寥寥征鴈塞雲長流沙萬里無愁遠去
國孤蹤信若莊楚客江魚身可葬漢臣馬革骨猶香青山
到處皆吾土豈必湘南是故鄉

聞有救護救不果

十年不向湘江返一疏翻爲萬里行隴外儘令魑魅喜日
邊應有鳳皇鳴極知故態仍狂瞽須信天王自聖明閒卻
綠衣誰爲著塞雲邊月不勝情

甘泉塞上呈中丞侯公

青海灣頭調角聲賢王西牧欲橫行戎心縱款猶難測斥
堠無烽卻不驚破膽爭傳司馬諭受降高築白狼城腐儒
未識麒麟畫只道風塵易請纓

奉和岳州張兵備

握蘭虎署爲郎日意氣相看獨有君擊節幾譚天下事建
旄今領水犀軍幕中說劍雙龍動樓上停雲七澤分秋色

滿湖吟眺足銀魚何苦碧山焚

寄呈乾庵馬公拜相

繡裳蒼玉自丹霄風采今看表百僚帝謂山龍惟爾補人
期霖雨幾時調鳳池魚藻歡應合雁塞狼煙燼盡消流落
扶風門下士玉關猶得比班朝

別羅孝廉

江城傾蓋識清狂意氣翩然調更長歌罷竹枝空下里賦
成雲雨滿高唐蜀門秋盡嘯猿急涪渚霜清白鴈翔後夜
思君出巫峽楚山巴月共蒼蒼

寄懷沈純甫戍金沙

衡陽那見雁飛回庾嶺梅花幾度開謫後沈郎應更瘦調

同楚客不勝哀
金沙潮落珠光動
銅柱風清海月來
君在瘴鄉偏逸興
新詩能爲故人裁

遼東大捷進橐駝誌喜

年來渤海不揚波
忽聽遼陽奏凱歌
白羽飛傳三箭捷
赤囊馳獻獨峯駝
將軍絕勝嫖姚勇
良馬何論絕域多
此日天聲應萬里
合標銅柱白狼河

劉蓬州崇文

二首

崇文字汝質一字洞衡
澧州人嘉靖辛酉舉人官
廣元知縣升蓬州知州有洞衡草堂稿
汝質耽吟嗜古宦遊所至表揚前賢冥搜古蹟惟恐不及其
入蜀後有蜀道探奇變合紀行益昌諸集又著有

孟衍尙書衍戰國策衍今皆無存其所謂洞衡草
堂稿者亦不可得見矣

太清山人歌

太清崔嵬凌太空青山削出青芙蓉石牀丹竈絕塵土綵
霞紫電光溶溶凝陽山人杳何處行蹤寂歷空山中太清
太清如舊否黃埃四塞天濛濛山人放浪倦開眼聞來此
地騎虬龍手挽銀河洗煙色丹巖翠壑流飛虹石泉泱泱
瀑布瀉金光草蔓霏香濃飛來雙鶴夾煙舞有時戢羽巢
雲松山人洗眼閱世變朝朝放鶴躋龍旋穿林廟洞覓石
髓鬱藍月冷颼元風萬籟無聲此棲息遊仙一覽蓬萊宮
蹇余亦愛清激骨倦來嘯月披蒙茸舉手捫天落星斗一

釋長嘯誰相從

濠水亭

清徹江疑淺亭高漾水紋洗天一霎雨照地半痕曛漁舫
將歌去流鶯送語聞客來應載酒長嘯倚蒼筠

郭同知鵬一首

鵬寧遠人嘉靖辛酉舉人歷官連城縣知縣建昌

府同知

陪宿太平營

何時何事扼蠻營景物恬熙繪太平曉喙已微幽醜迹震
驚竭弗假師聲月明秋帳無邊檄雨渥春犁盡戍兵自是
有苗由舜格至今歌舞樂韶笙

賀達州表 一首

表湘鄉人嘉靖甲子舉人四川達州知州

麻輦寺

人識招提勝來過但倚闌懸鐘諸籟寂埽葉一僧殘徑碧
苔光潤池清石影寒不知仙子意趺影與誰看

陳教諭三策 一首

三策湘鄉人隆慶丁卯舉人官德清縣教諭

過隱善山庵

三年游屐冷雲隈又上生公說法臺鐘定不須乘月去芊
香恰好叩門來一峯晴露青霞蕊萬壑寒凝白玉堆分付
伊蒲留宿供雨花重爲踏青苔

唐教諭詩一首

詩桃源人隆慶時貢生官蕪湖訓導升懷寧教諭

遊桃源洞

流水桃花世已非
石林煙草尙芳菲
山中雞黍聊炊午
眼底風塵且息機
聖世難招叢桂隱
野人獨愛芰荷衣
尋真不遇空歸去
笑指秋風繞翠微

艾處士而康一首

而康字太冲平江人父科以鄉舉官蘇州教授潛
心理學太冲承父志棄舉子業從吉水鄒守益遊
得參性命之旨平江自宋有九君子之祀故流風
濡染如此所存詩不多殊不墮理障

松峯寺

遊客尋真山寺過逢僧留坐白雲窩
逕盤西竺花先發松傍祇園鶴到多
十六觀門由定慧三千法界總恆河
從知臨濟宗風在滿目空山自剎那

孫山人斯億一首

斯億字兆儒華容人有號雲夢山人
著有雲夢園居鳴鋏浮湘北遊等集
山人七歲能詩年十四爲諸生久之
棄巾服遍遊名勝所至交其賢豪無所
屈撓分宜秉國著賈直言對今財論以
洩憤江陵居首輔又貽書艾和甫有田
錄事責鄒志完意其風概類如此晚隱
于石山中誅茹蔬食充然自得

詩不多見今僅存一首猶不失孫氏家法云

諸葛郡公送予登舟自岳陽樓趨君山

紆組枉維縶被褐樂逍遙攜尊感相送艤棹春渚遙巴邱
含雨意高樓出霞標盪槩遊城郭轉帆過山椒雁陣下南
浦漁舂纓桂橈香靄呂亭盼虛無燕閣超南津鬱沆滌西
埠示崇高崩山眺峴嶽洞庭冒煙濤稍焉遶廣隰倏爾泊
迴皋莫逐黃昏候著屣諧招邀

附錄華容縣志雜識宋山人登春隱處江陵往來
桃源衡嶽閒道經華容訪孫山人愛辛石之奇留
連數月嘗耽登天井峯臨大雲泉濯足有終焉之
志和孫山人詩云樵徑牽蘿上杉松鶴鶴翻泉分
辛石響霧影洞庭昏莫辨三湘色徒悲二女魂白
頭憐歲暮共爾采芳蓀又贈山下蕭君詩云高人
自古愛雲林短髮蕭蕭任陸沈石徑掃煙晴曬藥
松窗留月夜彈琴山中瑤草同誰拾溪上蘼芰何

共尋欲學龐公耕鑿計爲隣結屋歲年深後四十
年有東陵虞客卿字子墨雅負節概家累千金一
旦散盡愛從孫山人父子遊遂欲卜居石娶妻
耕畝以自娛樂後將之武昌留別鵬初詩云寒月
人稀到柴門黃葉凋俄驚去城郭夢想隔林邱萬
事歲猶晚孤蹤行未休相思滿寥濶空有卜居謀

陳主簿斗一首

斗字民仰祁陽人永寧縣主簿

案四庫書錄民仰有訂補浯溪集二卷

重遊浯溪

浯溪之水清且漣磨厓之石高齊天鐘聲泠泠出厓腹唐
亭兀兀倚山肩歌頌褒貶春秋法太師筆法銀鐵堅漫郎
古宅埋荒煙重來弔古心惻然野花閑草滿目前惟聞打
碑聲相連噫吁嘻今古存亡一歎息打碑民苦誰爲憐

周澄一首

澄沅陵人仕履無考

過東郊山岨寺

習氣殊非少小時江花江草亂題詩
塵埃已破三春夢風雨仍煩一釣絲
但許我來聞徙倚也出人笑大癡迷
山僧會說因緣話未必山僧盡得知